

ZAPISNIK
sa 7. Hitne sjednice Skupštine Kantona Sarajevo
Održane u četvrtak, 23.12.2014. godine,
sa početkom rada u 10,00 sati

Otvarajući sjednicu predsjedavajuća Malić je pozdravila sve uvažene kolege i kolegice, članove Vlade i uvažene goste, kao i predstavnike medija koji prate rad današnje sjednice.

Iskoristila je priliku da kolegi poslaniku Kenanu Ademoviću uputi u ime svih čestitku na uspješno odbranjenoj doktorskoj disertaciji i sticanju naučnog zvanja doktora pravnih nauka.

Prema evidenciji Službe, sjednici prisustvuju 32 poslanika, što je dovoljan broj za punovažan rad i odlučivanje.

Izostanak sa ove sjednice opravdali su gđa Edina Papo i gospodin Dževad Rađo.

Dana 16.01.2014.godine premijer Vlade Kantona Sarajevo uputio je Zahtjev Komisiji za izbor i imenovanja Skupštine Kantona Sarajevo da po hitnoj proceduri razmotri dostavljeni prijedlog za imenovanje ministra za obrazovanje, nauku i mlade Kantona Sarajevo. U tom smislu, Kolegij Skupštine je dana 17.01.2014.godine održao sjednicu i jednoglasno podržao zahtjev za održavanje Hitne sjednice Skupštine po ovom Zahtjevu, te utvrdio termin održavanja 7. Hitne sjednice Skupštine Kantona Sarajavo za 23.01.2014. godine sa početkom u 10,00 sati.

Shodno Poslovniku ,Kolegij pripremio prijedlog **Dnevnog reda** sa jednom tačkom koja glasi:

1. Prijedlog odluke o potvrđivanju imenovanja ministra Ministarstva za obrazovanje, nauku i mlade Kantona Sarajevo

To je prijedlog koji je došao sa Kolegija. Ima li još nekih prijedloga? Ne. Onda molim poslanike da se izjasne o Predloženom dnevnom redu.

Prije usvajanja dnevnog reda za riječ se javio Premijer Suad Zeljković, ističući da Vlada Kantona Sarajevo je s razlogom zakasnila na početak ove Hitne sjednice. Naime razlog je u pokušaju rješavanja problema u Grasu davanjem odluke da se skine hipoteka sa jednog dijela i da se da hipoteka na drugi dio da ne bi došlo do blokade računa u Grasu. Dakle skoro svakodnevno smo izloženi takvoj vrsti problema sa energentima, strujom, gasom i to su operativne stvari koje traže da se izvršna vlast suočava s njima. Zašto ovo govorim? Zbog potrebe da se upravo reaguje na hitan način i da se ova Hitna sjednica iskoristi. I ja vas molim ukoliko to Poslovnik to dozvoljava da se uvrsti tačka dnevnog reda koja će biti izdefinisana na način da Skupština odobri odluku Vlade ili da saglasnost da to bude odluka Skupštine koja tretira ovo pitanje koje će ustvari omogućiti da ne dođe do blokade ponovne blokade računa Grasa od strane Uprave za indirektno oporezivanje. Materijal je u pripremi i bit će za nekih desetak minuta.

Poslanik/zastupnik Segmedina Srna Bajramović je zamolila sekretara Skupštine da pojasni u Poslovniku gdje stoji precizno odakle se crpi pravni osnov za današnju hitnu sjednicu jer ja ovdje hitnost ne vidim i smatram da je prvobitna tačka izbor novog ministra obrazovanja mogla biti sastavnim dijelom redovne sjednice. Ali evo, možda griješim pa mi vi ukažite na to. Koji je to član Poslovnika gdje je sadržan pravni osnov za organizaciju ove hitne sjednice?

Sekretar Abid Kolašinac je istakao da je Kolegij je raspravljao po zahtjevu premijera vezano za sazivanje hitne sjednice i utvrdio da ima osnov za sazivanje hitne sjednice. Dakle član 65. i član 71. Poslovnika je precizno rekao kada i u kojim slučajevima se saziva hitna sjednica. U konkretnom slučaju kada je u pitanju imenovanje ministra obrazovanja, nauke i mladih utvrđeno

je da ne bi nastupila šteta određena u Kantonu odnosno u Vladi neophodno je sazvati hitnu sjednicu i izvršiti imenovanje. Normalno na vama je na zastupnicima hoćete li potvrditi odluku o imenovanju ili ne.

U raspravi koja je uslijedila za riječ su se javili: Segmedina Srna-Bajramović Naser Nabil, Nedžad Fazlija, Zaim Backović, Damir Čardžić, Elmedin Konaković, Amir Zukić, Nedžad Fazlija replika Elmedin Konaković replika, Damir Čardžić replika Segmedina Srna-Bajramović replika

Predsjedavajuća Malić je predložila sljedeći

Dnevni red

1. Prijedlog odluke o potvrđivanju imenovanja
2. Prijedlog odluke o davanju saglasnosti na odluku Vlade o promjeni hipoteke za KJKP Gras Sarajevo..

Pristupilo se izjašnjanju o ovom dnevnom redu.

. 25 je ZA, 5 suzdržanih. Niko nije bio protiv.

Gđa Malić je konstatovala da je Skupština za 7. hitnu sjednicu Skupštine Kantona Sarajevo usvojila dnevni red, kako je prijedlog formiran na današnjem početku zasjedanja.

AD – 1.

PRIJEDLOG ODLUKE O POTVRĐIVANJU IMENOVANJA MINISTRA MINISTARSTVA ZA OBRAZOVANJE, NAUKU I MLADE VLADE KANTONA SARAJEVO

Komisija za izbor i imenovanja i administrativna pitanja, je na sjednici održanoj dana 21.01.2014.godine, prihvatila je Prijedlog premijera Kantona Sarajevo, te sačinila Prijedlog odluke o potvrđivanju imenovanja i uputila u skupštinsku proceduru.

Prijedlog kandidata za ministra ministarstva za obrazovanje nauku i mlade koji je formirala Komisija za izbor i imenovanja dobili ste skupa sa CV, odnosno biografijom i podacima predloženog kandidata.

Uvodno izlaganje o ovoj tački dnevnog reda podnio je Premijer Zeljković.

U raspravi koja je uslijedila učestvovali su: Mujo Hošić, Branislav Crnogorac, Enes Zeković, Munir Talović, Besim Mehmedić, Mira Jurić, Damir Čardžić, Kenan Ademović, Adnan Solaković, Naser Nabil, Selma Filipović, Elmedin Konaković, Zaim Backović, Nedžad Fazlija, Eldar Čomor, Amir Zukić, premijer Suad Zeljković, Faruk Efendić, Kemal Ademović, Segmedina Srna-Bajramović.

Pristupilo se izjašnjenju o Prijedlogu odluke o potvrđivanju imenovanja Prof. dr. Mladena Milosavljevića na dužnost ministra za obrazovanje nauku i mlade Vlade Kantona Sarajevo. Od prisutnih 33, po ovom izjašnjanju ZA 17, uzdržanih 16 i niko protiv.

Poslanik Elmedin Konaković je izrazio sumnju u glasanje i tražio pojedinačno izjašnjanje.

Sekretar Abid Kolašinac provodi pojedinačnu prozivku:

- a)Ademović Kemal – za
- a)Ademović Kenan – ZA
- a)Alić Haris – za
- a)Backović Zaim – za
- a)Bajrović Izudin – za
- a)Brigić Ivan – suzdržan
- a)Črnogorac Branislav – suzdržan
- a)Čardžić Damir – za
- a)Čomor Eldar – za
- a)Efendić Faruk – suzdržan
- a)Fazlija Nedžad – suzdržan
- a)Filipović Selma – za
- a)Hajdarević Hadžem - suzdržan
- a)Hodžić Dževad – za
- a)Hodžić Sabahudin – suzdržan
- a)Hošić Mujo – suzdržan
- a)Jurić Mira – za
- a)Kojović Predrag – suzdržan
- a)Konaković Elmedin – za
- a)Malić Mirjana – suzdržana
- a)Mašović Amor – za
- a)Mehmedić Besim – suzdržan
- a)Mulaosmanović Fikreta – suzdržana
- a)Naser Nabil – za
- a)Papo Edina – opravdano odsutna
- a)Pindžo Mirsad – suzdržan
- a)Radeljaš Esed – za
- a)Rađo Dževad – opravdano odsutan
- a)Solaković Adnan – za
- a)Srna Bajramović Segmendina – suzdržana
- a)Talović Munir – za
- a)Vajzović Hanka – suzdržana
- a)Žeković Enes – suzdržan
- a)Žukić Amir – za

nakon pojedinačnog izjašnjavanja zastupnici su glasali: 17 zastupnika je glasalo za i 16 zastupnika se izjasnimo kao uzdržano.

Predsjedavajuća je konstatovala da Skupština nije donijela Odluku o potvrđivanju imenovanja Prof. Mladena Milosavljevića na dužnost ministra.

Premijer Zeljković je tražio riječ.“ Dakle obraćam se javnosti. Potpuno ste preuzeli ulogu i bit ćete odgovorni gospodo imenom i prezimenom. Nemam više ni jednog razloga da pred javnosti građanima BIH, građanima Kantona Sarajevo imenom i prezimenom ne kažem ko je odgovoran za ono što će slijediti. Premijer i Vlada Kantona Sarajevo nisu odgovorni za stvari koje ste vi svojim politikantstvom politikom, interesom koji ima duboke korijene uradili i pokazali javnosti, to je vaše pravo. Ali isto tako ćete preuzeti odgovornost da kada istupate u javnosti i dijelite lekcije o onome što bi trebalo uraditi po ekonomskoj, nacionalnoj, političkoj i drugoj okolnosti obrazložite svoje stvarne razloge onoga što ste sada uradili. Potpuno mi je svejedno i zaista me se ne tiče šta ćete poslije ovoga misliti o meni. Potpuno mi je svejedno i ne interesuje me. Ne trebate to ni tajno ni javno govoriti. Zato želim da vam sada kažem i možda jedan od zadnjih

puta i da se javno zahvalim SBB-u zato što su principijelno ne pripadajući istoj političkoj ideji pokazali da vrednuju kada treba ono što treba da se vrjednuje. Ostali su pokazali da njihov sitni interes okarakterisan u radnim mjestima, NO, novcu i drugim interesima jeste politikantstvo i hvala bogu da smo različiti i nećemo nikada biti isti kao što reče jedan od prethodnih ministara. Hvala vam lijepo“.

Povodom istupanja premijera Zeljkovića poslanik/zastupnik Besim Mehmedić je zatražio pauzu te zatražio da Kolegij raspravi o zadnjem istupanju premijera.

U raspravi koja je uslijedila učestvovali su: Tarik Haverić, Elmedin Konaković, Mirsad Pindžo, Besim Mehmedić.

Nastupila je pauza.

NASTAVAK NAKON PAUZE

Poslanik/zastupnik Besim Mehmedić je obrazložio razloge pauze koji su se odnosili na istupanje premijera Zeljkovića.

U raspravi koja je uslijedila uzeli su učešća: Elmedin Konaković , Besim Mehmedić, Mirsad Pindžo ,Naser Nabil .

Ispred Kluba SDA zatražena je pauza od 30 minuta.

NASTAVAK NAKON PAUZE

Na nastavku sjednice za riječ su se javili:

Mujo Hošić Enes Zeković, Mirsad Pindžo, Besim Mehmedić .

Predsjedavajuća Malić je podsjetila prisutne da je gospodin Mehmedić u ime Kluba samostalnih zastupnika podnio zaključak kojim traži raspravu o istupu premijera.

Pristupilo se glasanju o ovome zaključku.

Od 31 prisutnog 28 kolega je pristupilo glasanju. Za je glasalo 21, 7 je bilo sadržanih, 3 nisu pristupila glasanju.

Skupština je usvojila zaključak kojim se traži rasprava o istupu premijera Vlade Kantona Sarajevo.

Kako trenutno nije bio prisutan premijer Vlade Kantona Sarajevo gđin. Zeljković, predsjedavajuća Malić je predložila da se u međuvremenu do njegovog dolaska održi rasprava o:

AD – 2.

ODLUKA O DAVANJU SAGLASNOSTI KJKP GRAS ZA PONOVO ZASNIVANJE HIPOTEKE NA NEKRETNINE

Uvodno izlagane o ovoj tački dnevnog reda podnio je ministar Jusuf Bubica.

U raspravi koja je uslijedila učestvovali su: Mujo Hošić, Naser Nabil, Kenan Ademović, ministar Jusuf Bubica, Zaim Backović, Adnan Solaković , Enes Zeković, ministar Zlatko Petrović, Eldar Čomor, Besim Mehmedić, Nedžad Fazlija, Esed Radeljaš, Kemal Ademović, Mirsad Pindžo.

Kako više nije bilo prijavljenih diskutanata pristupilo se izjašnjavaњу o Odluci o davanju saglasnosti za ponovno zasnivanje hipoteke na nekretnine u vlasništvu kao sredstvo obezbjeđivanja po Ugovoru o kreditiranju sa Raiffaisen bankom.

27 poslanika/zastupnika je pristupilo glasanju. ZA je bilo 25, nije bio niko suzdržan i 2 su bila protiv.

Predsjedavajuća je konstatovala da je Skupština donijela **ODLUKU O DAVANJU SAGLASNOSTI KJKP GRAS ZA PONOVO ZASNIVANJE HIPOTEKE NA NEKRETNINE.**

Kako u međuvremenu nije se pojavio Premijer Vlade Kantona Sarajevo gosp. Zeljković poslanik/zastupnik Besim Mehmedić je zatražio pauzu od 30 minuta kako bi mogli znati da li premijer može prisustvovati sjednici ili ne.

U kontaktu koji je ostvaren sa Premijerom, sjednica Vlade koja traje se ne može prekidati. Premijer ne može prisustvovati sjednici Skupštine i prema Poslovniku ovaj dio nezavršenog dnevnog reda koji je usvojeni kao zaključak, će biti nastavljen na kao prva tačka naredne sjednice Skupštine Kantona Sarajevo.

Na kraju sjednice svoje stavove o nedolasku premijera Zeljkovića iznijeli su: Ivan Brigić, Elmedin Konaković , Mirsad Pindžo, Besim Mehmedić, Kemal Ademović i Enes Zeković .

Sjednica je završena u sati

SEKRETAR
SKUPŠTINE KANTONA SARAJEVO
Abid Kolašinac, dipl.pravnik

PREDSJEDAVAJUĆA
SKUPŠTINE KANTONA SARAJEVO
Prof.dr Mirjana Malić

Sastavni dio ovog zapisnika su stenografske bilješke, u kojima su detaljno obrazložene diskusije poslanika/zastupnika , audio i CD snimak sjednice, koji se čuvaju u Službi za skupštinske poslove Skupštine Kantona Sarajevo.